

Inatsisartut suleriaasianni § 37 imm. 1 naapertorlugu Naalackersuisunut apeqquaqaat imaattoq matumuuna saqqummiuppara.

Naalackersuisunut apeqquaqaat:

- 1) Suliffeqarfiit inuiaqatigiinnit tamakkiisumik pigineqartut pillugit akisussaaffik, ilaatigut suliffeqarfiit taakkua pillugit akisussaaffik "Bestyrelsessekretariatet", Naalackersuisut Siulittaasoqarfiata ataaniilluni Naalackersuisoq tassaniittoq akisussaasuunertut inissisimava?
- 2) Suliffeqarfiit inuiaqatigiinnit tamakkiisumik pigineqartut allallu, soorlu Nukissiorfiit assigisaallu, Namminersorlutik Oqartussanit oqartussaavigineqartut, qassit sorlerpiaallu "Grønlands Erhverv"-imut ilaasortaappat? Ingerlatsivikkaarlugit ersarissumik allattoqquneqarput.
- 3) Suliffeqarfiit inuiaqatigiinnit tamakkiisumik pigineqartut allallu, soorlu Nukissiorfiit assigisaallu, Namminersorlutik Oqartussaniit oqartussaaffigineqartut qanoq annertutigisumik "Grønlands Erhverv"-imut attuumassuteqarnerminnut ukiuni 5 kingullerni aningaasartuuteqarpat? Uani aningaasartuutit ingerlatsivikkaarlugit katillugillu naatsorsoqquneqarput.
- 4) Ilaatigut qaammat marts 2021-imi, Royal Greenland A/S "Grønlands Erhverv"-imut ilaasortaajunnaarnerani, taamani ilaasortaanissap pissusissamisuunnginnera pisortaaasimasup ilaatigut tunngavilersuutigaa. Naalackersuisut pissusissamisoortutut isigaat inuiaqatigiit pigisaasa Namminersortut politikikkut anguniagaqatigiiffiannut ilaasortaasoqartarnissaa? Naalackersuisorpiat politikkiat apeqqutigineqarmat, Naalackersuisorpiat isumaat tusarusunneqarpoq.

(Inatsisartunut ilaasortaq Kuno Fencker, Siumut)

Tunngavilersuut:

Inuiaqatigiit pigisaat namminersortut anguniagaasa kattuffiannut ilaasortaaneri isumaannut akerliorpasittutut isikkoqarmat, taamatuttaaq inuiaqatigiit aningaasaataannik akilersugaannillu namminersortut namminersornerunissaannut politikikkut anguniagaqarneri

anigaasalersussallugit apeqquusernarmat, taamaattumik apeqqutit akineqarnissaat pisariaqarsorinarpoq.

Apeqqutigineqartut nutsersimaneeri nalornissutigineqassappata kalaallisut allaqqasortaa aallaavigineqassaaq. Apeqqutigineqartut ullut suliffiusut qulit (10) iluanni akeqquneqarput.